



Bosnia and Herzegovina
Federation of Bosnia and Herzegovina

CANTON SARAJEVO
Ministry for Education

Broj: 11-06/02-34-57368-1/25
Sarajevo, 22. 12. 2025. godine

**SVIM OSNOVNIM I SREDNJIM ŠKOLAMA
NA PODRUČJU KANTONA SARAJEVO** ✕
n/r direktora/ice

**FEDERALNO MINISTARSTVO UNUTRAŠNJIH POSLOVA
FEDERALNA UPRAVA POLICIJE
Ul. Mehmeda Spahe, br. 7, Sarajevo
n/r glavnog inspektora**

Predmet: Informacija, dostavlja se

Cijenjeni,

Ministarstvo za odgoj i obrazovanje Kantona Sarajevo (u daljem tekstu: Ministarstvo) je dana 17. 12. 2025. godine zaprimilo zahtjev Federalne uprave policije, s prilogima, za hitno prosljeđivanje upozorenja roditeljima i upoznavanje učenika s pravnim posljedicama nezakonite razmjene intimnog sadržaja.

S tim u vezi, u prilogu ovog akta dostavljamo Vam zaprimljeni zahtjev s prilogima.

Također, podsjećamo Vas da je Ministarstvo aktom broj: 11-07/02-03-42246-1/25 od 26. 08. 2025. godine zatražilo od osnovnih i srednjih škola na području Kantona Sarajevo informacije o broju zainteresovanih roditelja/staratelja za prisustvo edukaciji pod nazivom „Sigurnost učenika u digitalnom okruženju“, u mjesecu novembru, koja je, zbog vrlo slabog interesa i odaziva roditelja/staratelja, bila otkazana.

S poštovanjem,



Prilog: Zahtjev za hitno prosljeđivanje upozorenja roditeljima i upoznavanje učenika s pravnim posljedicama nezakonite razmjene intimnog sadržaja – Federalna uprava policije

Dostaviti:

1. Naslovu
2. a/a.



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-128
Web: <http://mo.ks.gov.ba>, E-mail: mo@mo.ks.gov.ba

 Outlook**Prosljedi: ZAHTJEV****From** Ministarstvo za odgoj i obrazovanje KS <mo@mo.ks.gov.ba>**Date** Tue 16/12/2025 11:48**To** Tehnički sekretar <tehnicki.sekretar@mo.ks.gov.ba>

- 06/02 -

 1 attachment (822 KB)

Zahtjev za hitno prosljeđivanje upozorenja roditeljima i upoznavanje uče...pdf

federalna Bosna i Hercegovina
KANTON SARAJEVO

PRISLIJEŠEN	17-12-2025	Medio broj	Broj posluga
Organizacija jedini	34	52368	

Šalje: FUP - Kabinet direktora <kabinet@fup.gov.ba>**Poslano:** utorak, 16. decembar 2025. 11:09**Prima:** Kabinet federalnog ministra obrazovanja i nauke <kabinet@fmon.gov.ba>; obrazovanje@vladausk.ba <obrazovanje@vladausk.ba>; prosvjeta@zp.gov.ba <prosvjeta@zp.gov.ba>; mon@tk.kim.ba <mon@tk.kim.ba>; min.obrazovanje@zdk.ba <min.obrazovanje@zdk.ba>; obrazovanje@bpkg.gov.ba <obrazovanje@bpkg.gov.ba>; mozks@sbk-ksb.gov.ba <mozks@sbk-ksb.gov.ba>; monkshnk@tel.net.ba <monkshnk@tel.net.ba>; info@mozkszzh.gov.ba <info@mozkszzh.gov.ba>; Ministarstvo za odgoj i obrazovanje KS <mo@mo.ks.gov.ba>; mzpks@vladahbz.com <mzpks@vladahbz.com>**Predmet:** ZAHTJEV

Poštovani,

U prilogu Vam dostavljamo Zahtjev za hitno prosljeđivanje upozorenja roditeljima i upoznavanje učenika sa pravnim posljedicama nezakonite razmjene intimnog sadržaja.

S poštovanjem,

FEDERALNA UPRAVA POLICIJE



Broj: 11-04-3-4450

Datum: 16.12.2025. godine

e-mail:

FEDERALNO MINISTARSTVO OBRAZOVANJA I NAUKE

kabinet@fmon.gov.ba

MINISTARSTVO OBRAZOVANJA, NAUKE, KULTURE I SPORTA USK

obrazovanje@vladausk.ba

MINISTARSTVO PROSVJETE, ZNANOSTI, KULTURE I SPORTA PK

prosvjeta@zp.gov.ba

MINISTARSTVO OBRAZOVANJA I NAUKE TK

mon@tk.kim.ba

MINISTARSTVO ZA OBRAZOVANJE, NAUKU, KULTURU I SPORT ZDK

min.obrazovanje@zdk.ba

MINISTARSTVO ZA OBRAZOVANJE, MLADE, NAUKU, KULTURU I SPORT BPK

obrazovanje@bpkg.gov.ba

MINISTARSTVO OBRAZOVANJA, ZNANOSTI, MLADIH, KULTURE I ŠPORTA SBK

mozks@sbk-ksb.gov.ba

MINISTARSTVO OBRAZOVANJA, NAUKE, KULTURE I SPORTA HNK

monkshnk@tel.net.ba

MINISTARSTVO OBRAZOVANJA, ZNANOSTI, KULTURE I ŠPORTA ZHK

info@mozkszzh.gov.ba

MINISTARSTVO ZA ODGOJ I OBRAZOVANJE KS

mo@mo.ks.gov.ba

MINISTARSTVO ZNANOSTI, PROSVJETE, KULTURE I ŠPORTA K10 – LIVNO

mzpk@vladahbz.com

PREDMET: Zahtjev za hitno prosljeđivanje upozorenja roditeljima i upoznavanje učenika sa pravnim posljedicama nezakonite razmjene intimnog sadržaja; traži se

Poštovani,

Federalna uprava policije, postupajući u okviru svojih zakonskih nadležnosti u oblasti prevencije i suzbijanja krivičnih djela, a imajući u vidu sve učestalije slučajeve nezakonitog snimanja, posjedovanja, razmjene i daljnjeg širenja seksualno eksplicitnih fotografija i video-zapisa koji uključuju maloljetnike, obraća Vam se sa zahtjevom za hitno postupanje.

S obzirom na ozbiljnost navedenih pojava i njihove štetne posljedice po djecu i maloljetnike, Federalna uprava policije zahtijeva da se sadržaj upozorenja Federalne uprave policije, koje se odnosi na krivičnu odgovornost i zakonom propisane sankcije

za nezakonito snimanje, posjedovanje i distribuciju intimnih sadržaja koji uključuju djecu, bez odlaganja prosljedi svim osnovnim i srednjim školama na području Federacije Bosne i Hercegovine

Također zahtijevamo da se tekst upozorenja koji je sastavni dio ovog akta, kao prilog, obavezno pročita roditeljima i starateljima na prvim narednim roditeljskim sastancima, uz jasno naglašavanje njihove odgovornosti u pogledu nadzora nad digitalnim ponašanjem djece, kao i mogućih pravnih posljedica u slučaju nezakonitog postupanja, te da se isti prosljedi na viber/whatsapp grupe razrednih odjeljenja u kojima se nalaze roditelji.

Istovremeno zahtijevamo da se učenici, tokom časa odjeljske zajednice, upoznaju sa osnovnim porukama upozorenja i pravilima odgovornog ponašanja u digitalnom prostoru, koji je također sastavni dio ovog akta, na način primjeren njihovom uzrastu, s ciljem prevencije, zaštite i sprječavanja daljnjih zloupotreba.

Federalna uprava policije smatra da je obrazovni sistem ključan partner u prevenciji krivičnih djela nad djecom i maloljetnicima, te da jasno, pravovremeno i jedinstveno informisanje roditelja i učenika predstavlja nužnu mjeru zaštite djece i očuvanja njihove sigurnosti i dostojanstva.

Molimo Ministarstvo da Federalnu upravu policije obavijesti o poduzetim mjerama i realizaciji navedenih aktivnosti.

Federalna uprava policije ostaje na raspolaganju za stručnu podršku i saradnju u daljnjim preventivnim aktivnostima, u skladu sa važećim propisima.

S poštovanjem,

Prilozi:

- upozorenje za roditelje i staratelje
- upozorenje za učenike srednjih škola
- upozorenje za učenike 5-9. razreda osnovne škole
- upozorenje za učenike 1-4. razreda osnovne škole

V.D. DIREKTOR
(načelnik SKP-a)
OPĆI INSPEKTOR
Energetski
Ković



PRILOG 1: UPOZORENJE ZA RODITELJE I STARATELJE

Poštovani roditelji,

Lično i institucionalno Vas upozoravamo da svako snimanje, posjedovanje, razmjena ili daljnje širenje seksualno eksplicitnih fotografija i video-zapisa koji uključuju maloljetnike predstavlja krivično djelo. Činjenica da se radi o djeci istog uzrasta, navodnom pristanku ili „međusobnom povjerenju“ ne isključuje krivičnu odgovornost niti umanjuje ozbiljnost posljedica.

Evidentiran je porast slučajeva u kojima maloljetnici, usljed nepromišljenog digitalnog ponašanja, dolaze u direktan kontakt s policijom i tužilaštvom. U takvim situacijama dijete može istovremeno biti žrtva, ali i osumnjičeno lice, posebno kada se intimni sadržaj dalje proslijeđuje, čuva ili koristi za pritisak, ucjenu ili ponižavanje.

Jasno naglašavamo da važeći Krivični zakon Federacije Bosne i Hercegovine propisuje ozbiljne sankcije za krivična djela spolnog uznemiravanja, zloupotrebe seksualno eksplicitnih snimaka, uhođenja, prijetnji i drugih oblika digitalnog nasilja nad djecom, uključujući kazne zatvora i druge zakonom predviđene mjere.

Naročito ističemo da zastara za krivična djela počinjena na štetu djece počinje teći tek od trenutka kada dijete navrší punoljetstvo, što znači da posljedice ovakvih postupaka mogu imati dugoročan karakter i biti pravno relevantne i više godina nakon samog događaja.

Aktivna i odgovorna uloga roditelja u nadzoru digitalnog ponašanja djece nije stvar ličnog izbora, već ključna mjera zaštite. Izostanak razgovora, kontrole i jasnih granica povećava rizik od zloupotreba, ucjena, javnog sramoćenja i ozbiljnih posljedica po psihičko zdravlje i budućnost djeteta.

Federalna uprava policije upozorava da razmjena intimnih sadržaja među maloljetnicima nije bezazlena pojava niti „prolazna faza“. Svako dalje dijeljenje, čuvanje ili objavljivanje takvog sadržaja može predstavljati osnov za pokretanje krivičnog postupka.

Roditeljima se preporučuje da bez odlaganja razgovaraju sa djecom o odgovornom ponašanju u digitalnom prostoru, da budu upoznati s aplikacijama i komunikacijskim kanalima koje djeca koriste i da im jasno stave do znanja da je razmjena intimnih sadržaja zabranjena i opasna.

Federalna uprava policije će, u saradnji sa nadležnim tužilaštvima, postupati odlučno i bez izuzetaka u svim slučajevima saznanja o nezakonitom snimanju, posjedovanju ili dijeljenju intimnih sadržaja koji uključuju djecu.

Roditelji imaju ključnu ulogu u prevenciji. Pravovremena reakcija, razgovor i prijava nadležnim organima mogu spriječiti trajne posljedice po dijete, porodicu i širu zajednicu.

Federalna uprava policije ostaje nedvosmisleno posvećena zaštiti djece i poziva roditelje da ovo upozorenje shvate krajnje ozbiljno.

PRILOG 2: UPOZORENJE ZA UČENIKE SREDNJIH ŠKOLA

Dragi učenici,

Lično je važno da budete svjesni da snimanje, posjedovanje, slanje ili daljnje dijeljenje intimnih fotografija i video-zapisa koji uključuju maloljetnike predstavlja ozbiljno kršenje zakona. Bez obzira na to da li se radi o vezi, prijateljstvu ili navodnom pristanku, takvo ponašanje može imati ozbiljne i dugoročne posljedice.

Elektronski sadržaji ne nestaju onog trenutka kada ih pošaljete. Sve što se jednom podijeli putem interneta može biti sačuvano, kopirano i distribuirano bez vaše kontrole. Jedna nepromišljena odluka može dovesti do gubitka privatnosti, povjerenja i osjećaja sigurnosti, ali i do problema sa zakonom.

Jasno naglašavamo da dijeljenje tuđih intimnih sadržaja, čak i „iz šale“, iz ljutnje ili nakon prekida veze, predstavlja ozbiljno narušavanje privatnosti i dostojanstva druge osobe. Takvi postupci mogu dovesti do teških emocionalnih posljedica za žrtvu, ali i do pokretanja policijskih i tužilačkih postupaka protiv onih koji sadržaj dijele.

Ni pod kojim okolnostima ne treba tolerisati pritiske, prijetnje ili ucjene da se pošalju intimne fotografije ili snimci. Ako neko koristi poruke, slike ili snimke kako bi vas zastrašivao, kontrolisao ili ponizio, to nije vaša krivica i takvo ponašanje može predstavljati krivično djelo.

Ako se nađete u situaciji koja vas uznemirava ili plaši, važno je da odmah potražite pomoć. Obratite se roditeljima, razredniku, školskom pedagogu, psihologu ili policiji. Pravovremeno traženje pomoći može spriječiti dalju štetu i zaštititi vas od ozbiljnih posljedica.

Federalna uprava policije poručuje da digitalni prostor nije odvojen od stvarnog života i da ponašanje na internetu ima stvarne i ozbiljne posljedice. Odgovorno postupanje, poštivanje tuđe privatnosti i razmišljanje prije nego što nešto pošaljete ili podijelite predstavljaju osnov lične zrelosti i odgovornosti.

FEDERALNA UPRAVA POLICIJE

PRILOG 3: UPOZORENJE ZA UČENIKE 5-9. RAZREDA OSNOVNE ŠKOLE

Dragi učenici,

Lično je važno da znate da niko nema pravo da od vas traži da šaljete svoje ili tuđe intimne fotografije ili snimke. Intimne fotografije su one koje prikazuju dijelove tijela koji su privatni i koje ne dijelimo s drugima. Takvi zahtjevi nisu u redu i mogu vas dovesti u neprijatne i opasne situacije.

Ekran pamti sve što se pošalje putem interneta. Kada se neka poruka, fotografija ili snimak jednom pošalje, ona se može dalje dijeliti bez vaše kontrole. Čak i ako vjerujete osobi kojoj ste nešto poslali, to se može proširiti i povrijediti vas ili druge.

Jednako je pogrešno dijeliti tuđe intimne fotografije ili snimke, čak i „iz šale“. Takvo ponašanje može ozbiljno povrijediti drugu osobu i dovesti do problema. Poštivanje tuđe privatnosti znači biti odgovoran i prema sebi i prema drugima.

Nikada nemojte šutjeti ako vam neko prijeti, ucjenjuje vas ili dijeli vaše fotografije bez dozvole. To nije vaša krivica. Uvijek postoji odrasla osoba koja vam može pomoći i koja će vas zaštititi.

Ako se nađete u ovakvoj situaciji, odmah se obratite roditelju, razredniku, nastavniku, pedagogu ili drugoj odrasloj osobi kojoj vjerujete. Traženje pomoći je ispravno i hrabro.

Federalna uprava policije poručuje da imate pravo na sigurnost, poštovanje i mir, kako u školi tako i na internetu. Razmišljajte prije nego što nešto pošaljete ili podijelite i čuvajte sebe i svoje prijatelje.

FEDERALNA UPRAVA POLICIJE

PRILOG 4: UPOZORENJE ZA UČENIKE 1-4. RAZREDA OSNOVNE ŠKOLE

Dragi učenici,

Lijepo je koristiti telefon i internet za učenje i igru, ali važno je znati da postoje stvari koje su privatne i koje ne treba slati drugima. Niko nema pravo da od vas traži slike ili snimke vašeg tijela.

Ekran pamti sve što se pošalje. Ako se neka slika ili poruka jednom pošalje, ona se može vidjeti i kasnije, čak i ako to niste željeli.

Jako je važno da čuvamo sebe i druge. Ne treba slati niti dijeliti slike drugih ljudi bez njihove dozvole, jer to može nekoga povrijediti.

Nikada nemojte šutjeti ako vam se nešto na internetu ne sviđa ili vas plaši. To nije vaša krivica i uvijek imate pravo da tražite pomoć.

Ako vam se nešto dogodi ili vas neko uznemirava, odmah to recite roditeljima, učitelju, nastavniku ili drugoj odrasloj osobi kojoj vjerujete.

Federalna uprava policije poručuje da imate pravo da se osjećate sigurno i zaštićeno. Internet treba da bude mjesto gdje učimo i igramo se, a ne mjesto straha.

FEDERALNA UPRAVA POLICIJE